




REPUBLIKA E KOSOVËS
REPUBLIKA KOSOVA/REPUBLIC OF KOSOVO

KOMUNA E GJILANIT
OPŠTINA GNJILANE/MUNICIPAL GJILAN/GILAN BELEDIYESI



Adresa: rr. "Adem Jashari" pn, gje.gjilani-komuna.org; e-mail: zip_gjilan@hotmail.com, tel. 0280 320 781, 320 782, 321 482, 321 486

Në mbështetje të nenit 11, 12 shkronja c) dhe nenit 17 shkronja r)) të Ligjit për Vetëqeverisjen Lokale nr. 03/L-040 ("Gazeta zyrtare e Republikës së Kosovës", nr. 28/2008) dhe nenit 38 shkronja k) dhe 39.1 të Statutit të Komunës së Gjilanit 01. nr. 12479 të dt. 21.11.2008, Kuvendi i Komunës së Gjilanit, në mbledhjen e mbajtur më 09.07.2010, miraton;

R R E G U L L O R E **PËR SHFRYTËZIMIN/HUAZIMIN E SALLËS SË MADHE** **TË TEATRIT PROFESIONIST TË GJILANIT**

Neni 1.

Salla e madhe e Teatrit Profesionist të Gjilanit mund të shfrytëzohet nga të interesuarit:

- me pagesë dhe
- pa pagesë

Neni 2.

Salla e Teatrit mund të shfrytëzohet pa pagesë vetëm në këto raste:

- a. Me rastin e manifestimeve/festave shtetërore,
- b. Me rastin e organizimeve me qëllime humanitare/jo profitabile apo komerciale nga organizatat, shoqatat humanitare apo O.J.Q.-të e ndryshme.
- c. Me vendim të Kryetarit të Komunës së Gjilanit.

Neni 3.

Salla e Teatrit mund të shfrytëzohet nga qytetarët/institucionet/organizatat me pagesë:

1. Me çmim fiks, duke paguar 296 euro, që do të thotë 1€ për ulëse për dy(2) orë shfrytëzim (kjo do të thotë vetëm sallën e ndriçuar dhe të pastruar). Për çdo zgjatje nga shfrytëzuesi duhet të merret leje nga Drejtoria e Teatrit dhe për çdo orë shtesë shfrytëzuesi duhet të paguaj 100 euro shtesë.
2. Me përqindje nga numri i tërësishëm i shitjes së biletave 70% për shfrytëzuesin dhe 30% për Teatrin.

Neni 4.

- 4.1. Shfrytëzimi i sallës nga Neni 2(dy), pika (a) i kësaj rregulloreje bëhet ekskluzivisht për festat më të rëndësishme shtetërore dhe ato me Vendim të Kryetarit të Komunës. Çdo manifestim tjetër duhet t'i nënshtrohet Nenit 3(tre), që do të thotë pagesë fikse.
- 4.2. Shfrytëzimi i sallës nga Neni 2 (dy), pika (b), bëhet në atë mënyrë që organizatat dhe shoqatat humanitare, si dhe O.J.Q.-të e ndryshme, duhet ta parashtrojnë kërkesën në afatin që përcakton kjo rregullore në Drejtorinë e Teatrit për të marr lejen e shfrytëzimit. Kjo nënkupton vetëm aktivitetet që kanë qëllime humanitare

dhe jo profitabile, përndryshe shfrytëzuesi duhet t'i nënshtrohet Nenit 3 (tre) pikës (1), që do të thotë pagese fikse.

- 4.3. Shfrytëzimi i sallës nga Neni 2(dy), pika (c), bëhet në atë mënyrë që Kryetari i Komunës merr vendim dhe me shkrim e njofton drejtorinë e Teatrit së paku dy javë përpara, me qëllim që me kohë të bëhen përgatitjet për shfrytëzimin e sallës dhe të riorganizohet orari i aktiviteteve skenike në Teatër.
- 4.4. Po ashtu edhe çdo kërkesë tjetër nga të interesuarit për shfrytëzim duhet të bëhet së paku dy (2) javë përpara datës së shfrytëzimit, përndryshe kërkesa nuk do të merret parasysh. Edhe nëse kërkesa bëhet me kohë, kjo nuk siguron edhe miratimin e saj, përderisa kjo pengon procesin në të cilin ndodhet aktiviteti teatror dhe përderisa drejtoria nuk e njofton parashtruesin e kërkesës.

Neni 5.

Shfrytëzimi i sallës nga neni 3 (tre) i kësaj rregulloreje mund të bëhet si në vijim:

- a. Të interesuarit mund ta shfrytëzojnë sallën e Teatrit Profesionist të Gjilanit me përqindje 70/30, ku 70% i takojnë shfrytëzuesit, kurse 30% i takojnë Teatrit Profesionist të Gjilanit. Kjo vlen vetëm për Teatrot Profesioniste dhe për institucionet tjera që Drejtoria e Teatrit i konsideron si të rëndësishme dhe që përputhen me politikat e përgjithshme zhvillimore të Teatrit. Këtu kryesisht përfshihen shfaqjet teatrale, të baletit, operës, muzikës dhe muzikës serioze.
- b. Të interesuarit mund ta shfrytëzojnë sallën e Teatrit Profesionist të Gjilanit me çmim fiks duke paguar 296euro që do të thotë 1€ për një ulëse. Kjo vlen për të gjithë shfrytëzuesit tjerë, përpos për institucionet e shënuara në Nenin 5(pesë), Pika (a), si dh neni 4(katër), Pika 1(një).
- c. Salla nuk do të jepet në shfrytëzim për koncerte përveç atyre të muzikës serioze, përpos nëse Drejtoria e Teatrit konstaton se ai aktivitet nuk dëmton sallën dhe politikën zhvillimore dhe artistike të Teatrit Profesionist të Gjilanit.

Neni 6.

- 6.1.Salla dhe skena do të kontrollohen paraprakisht dhe shfrytëzuesi do të njoftohet mbi gjendjen e përgjithshme. Pas aktivitetit shfrytëzuesi ka për detyrë që të lajmëroj përfundimin e aktivitetit në drejtori dhe me personin adekuat nga Teatri Profesionist i Gjilanit do të bëhet një kontroll mbi gjendjen e përgjithshme në sallë dhe skenë.
- 6.2.Po që se vlerësohet se janë bërë dëme apo mungon diçka atëherë shfrytëzuesi merr të gjitha përgjegjësitë dhe obligohet që t'i paguaj, riprodhoj apo riparoj të gjitha dëmet e shkaktuara gjatë kohës së shfrytëzimit të sallës.

Neni 7.

- 7.1.Në rast se gjatë shfrytëzimit të sallës përdoret skena dhe prapaskena, e sidomos nga të rinjtë apo fëmijët, shfrytëzuesi është i obliguar që të ketë në dispozicion mbikëqyrës të rritur kompetent. Për 15 fëmijë apo të rinj duhet të ketë 1(një) mbikëqyrës të rritur.
- 7.2.Në rast se shfrytëzuesi kërkon të përdoren grimoret, duhet të negocioj me drejtorinë për të marrë leje. Të gjitha rregullat që gjenden në Nenin 6(gjashtë). vlejné edhe për grimoret.
- 7.3.Në sallë, skenë, prapaskenë dhe grimore ndalohet rreptësishtë pirja e duhanit dhe ngrënia e gjërave ushqimore.

Neni 8

- 8.1. Për zbatimin e kësaj rregulloreje do të kujdeset Organi Ekzekutiv i Teatrit dhe Drejtoria për Rini, Kulturë dhe Sport.
- 8.2. Mbikëqyrjen e realizimit të kësaj rregulloreje e bënë Kryetari i Komunës.

Neni 9

Kjo Rregullore hynë në fuqi ditën e miratimit nga ana e Kuvendit të Komunës, dhe mund të ndryshohet në mënyrën e njëjtë siç është nxjerrë..

01.Nr. 8366
Gjilan, më 09.07.2010

Kuvendi i Komunës

Izmi Zeka, Kryesues